



Tužilaštvo - Tužiteljstvo Bosne i

Hercegovine

Тужилаштво Босне и Херцеговине

*Broj: T20 0 KT 0018339 19*  
*Sarajevo, 31.08.2023. godine*

**SUD BOSNE I HERCEGOVINE**  
**S A R A J E V O**  
*Sudija za prethodno saslušanje*

*Na temelju člana 35. stav 2. tačka i) i člana 226. stav 1. i člana 227. Zakona o kaznenom postupku Bosne i Hercegovine, podižem:*

**O P T U Ź N I C U**

**PROTIV:**

1. *Ajdina Mujkića*, [REDACTED] *rođenog*  
*1999. godine u Salzburgu, R Austrija, državljanina R Austrije,* [REDACTED]

**Što je:**

*Dana 06.10.2019. godine, oko 08,55 sati na Međunarodnom graničnom prelazu Izačić na ulazu u Bosnu i Hercegovinu, prilikom vršenju kontrole vozača i putničkih motornih*

vozila od strane ovlaštenog službenog lica Granične policije Bosne i Hercegovine [REDACTED] pri kontroli putničkog motornog vozila „Volkswagen“, [REDACTED] registarskih oznaka [REDACTED] registarskog područja Republike Austrije, koje je vuklo priključno vozilo na koje je natovareno PMV „Audi“, [REDACTED], kojim vozilom je upravljao [REDACTED], državljanin Republike Austrije, a na mjestu suvozača se nalazio osumnjičeni Ajdin Mujkić isti je prvo verbalno a potom i fizički napao navedenog policijskog službenika Granične policije BiH, svjestan da se radi o službenom licu i to tako što je, nakon što je ovaj zatražio da vozilo premjeste na traku za teretna motorna vozila, lice koje je upravljalo sa vozilom [REDACTED] obratilo mu se sa riječima „daj bolan pusti nas da se dogovorimo da se ne vraćamo“, a kada je [REDACTED] i dalje insistirao na tome, osumnjičeni mu je povišenim tonom rekao „daj mi moje dokumente ja neću nikud i daj mi svoj broj i kako se zoveš“, a kada mu je [REDACTED] odgovorio da nije nikakav problem, samo da vozilo sklone u stranu, nakon čega je zatvorio prozor na šalteru, da bi osumnjičeni dok se je nalazio u vozilu pokušao da otvori taj prozor, a kad nije uspio izašao je iz vozila i u namjeri da se fizički obračuna sa istim krenuo prema kontrolnoj kućici iz koje je u međuvremenu izašao policajac [REDACTED] krećući se prema [REDACTED] koji je upravljalo tim vozilom a sve u cilju da se vozilo pomjeri sa te trake radi omogućavanja pristupa kontroli drugim vozilima, da bi osumnjičeni prišao [REDACTED] i u namjeri da ga spriječi da ovaj dođe do [REDACTED] zaustavio ga svojom rukom, a potom je istog u namjeri da ga fizički napadne rukom zgrabio za jaknu i košulju koje je imao na sebi kao uniformu, pri čemu je pokidao dugme na [REDACTED] košulji, da bi ga [REDACTED] u samoodbrani odgurnuo od sebe, nakon čega je iz te kućice, kada je vidio šta se događa i da bi pomogao kolegi [REDACTED], izašao i drugi policajac Granične policije BiH [REDACTED] koji je vršio kontrolu vozila na izlazu iz Bosne i Hercegovine, a osumnjičeni se potom vratio u navedeno vozilo marke „Volkswagen“, [REDACTED] gdje se je zaključao.

Dakle, napao službeno lice u institucijama Bosne i Hercegovine u vršenju poslova sigurnosti Bosne i Hercegovine.

Čime je, počinio kazneno djelo Napad na službeno lice u vršenju poslova sigurnosti, otkrivanju ili lišenju slobode počinioca kaznenih djela iz člana 241b stav 1. Kaznenog zakona Bosne i Hercegovine (KZ BiH).

**TUŽITELJSTVO-TUŽILAŠTVO BiH**  
**Tužitelj**